



মন্ত্রিসভার অর্থনৈতিক বিষয়সংক্রান্ত কমিটি

স্কিল ইন্ডিয়া মিশনকে এগিয়ে নিয়ে যাওয়ার জন্য সংকল্প ও স্টাইভ প্রকল্পের অনুমোদন কেন্দ্রীয় মন্ত্রিসভায় বিশ্ব ব্যাঙ্কের সহায়তার ৬,৬৫৫ কোটি টাকার দুটি প্রকল্পের অনুমোদন

Posted On: 13 OCT 2017 12:28PM by PIB Kolkata

প্রধানমন্ত্রী শ্রী নরেন্দ্র মোদীর পৌরহিত্যে অর্থনীতি বিষয়ক মন্ত্রিসভা কমিটি বুধবার বিশ্ব ব্যাঙ্কের সহায়তার ৬,৬৫৫ কোটি টাকার দুটি প্রকল্পের অনুমোদন দিয়েছে। এগুলো হচ্ছে, “জীবিকার মানোন্নয়নে দক্ষতা অধিগ্রহণ ও জ্ঞান সচেতনতা” (সংকল্প) এবং “শিল্পের মান বৃদ্ধির জন্য দক্ষতার শক্তিশালীকরণ” (স্টাইভ)। ‘সংকল্প’ হচ্ছে বিশ্বব্যাঙ্কের ৩,৩০০ কোটি টাকা সহায়তা সহ ৪,৪৫৫ কোটি টাকার কেন্দ্রীয় প্রকল্প এবং ‘স্টাইভ’ হচ্ছে ২,২০০ কোটি টাকার কেন্দ্রীয় প্রকল্প, যার অর্ধেক টাকা বিশ্বব্যাঙ্কের ঋণের সহায়তায়। সংকল্প ও স্টাইভ প্রকল্প মূলত ফলাফল নির্ভর প্রকল্প, যেখানে বৃত্তিমূলক শিক্ষা ও প্রশিক্ষণে ইনপুট থেকে ফলাফল পর্যন্ত সরকারের রূপায়ণ কৌশলে পরিবর্তন আনা হয়েছে।

বৃত্তিমূলক প্রশিক্ষণের ক্ষেত্রে কার্যকর প্রশাসন, দক্ষতা প্রশিক্ষণের নিয়মনীতি, শিল্প প্রচেষ্টাকে অনুঘটক হিসেবে তৈরি করা সুনিশ্চিত করতে একটি জাতীয় রূপরেখার প্রয়োজনীয়তা দীর্ঘদিন ধরেই উপলব্ধি হয়ে আসছিল। এই দুই প্রকল্প স্বীকৃতি ও শংসাপত্র দেওয়ার ক্ষেত্রে জাতীয় সংস্থা গঠন করে সেই প্রয়োজনীয়তাকে পূরণ করবে। যা দীর্ঘ মেয়াদী ও স্বল্পমেয়াদী বৃত্তিমূলক শিক্ষা ও প্রশিক্ষণের (ডি.ই.টি.) স্বীকৃতি ও শংসাপত্র প্রদান নিয়ন্ত্রণ করবে। এই প্রতিষ্ঠান ভারতে প্রথমবারের মত বিভিন্ন কেন্দ্রীয়, রাজ্য ও বেসরকারি প্রতিষ্ঠানগুলোকে এক সঙ্গে নিয়ে আসবে। তাতে বিভিন্ন কাজকর্ম দু’বার হওয়া এড়াতে হবে ও বৃত্তিমূলক শিক্ষার ক্ষেত্রে অভিন্নতা নিয়ে আসা যাবে, যা আরও ভালো প্রভাব তৈরি করবে।

এই দুই প্রকল্পের লক্ষ্য হচ্ছে প্রাতিষ্ঠানিক সংস্কার এবং স্বল্প মেয়াদী ও দীর্ঘমেয়াদী দক্ষতা উন্নয়ন প্রশিক্ষণের গুণমানকে ও বাজারের সঙ্গে সংশ্লিষ্টতাকে উন্নত করা। এর আগে বৃত্তিমূলক প্রশিক্ষণ উন্নয়ন প্রকল্পের (ডি.টি.আই.পি.) মতো বিভিন্ন সরকারি প্রকল্প আই.টি.আই.-গুলোকে শক্তিশালী করার দিকেই মনোযোগ দিয়েছিল এবং এই প্রকল্পগুলোর অধীনে ১৬০০-এর বেশি আই.টি.আই.-কে ইতোমধ্যেই আধুনিকীকরণ করা হয়েছে। স্টাইভ প্রকল্প এস.এম.ই.-কে যুক্ত করে, বাণিজ্য সংগঠন ও শিল্পগুচ্ছকে পাশে নিয়ে আই.টি.আই.-গুলোর শিক্ষানবিশী সহ সার্বিক দক্ষতা বৃদ্ধি করবে। এই প্রকল্পের লক্ষ্য হচ্ছে বিভিন্ন প্রতিষ্ঠানকে শক্তিশালী করে গুণমান সম্পন্ন দক্ষতা উন্নয়ন প্রশিক্ষণপ্রদানের জন্য বলিষ্ঠ পদ্ধতি তৈরি করা। এই প্রতিষ্ঠানগুলোর মধ্যে রয়েছে স্টেটস্কিল ডেভেলপমেন্ট মিশন (এস.এস.ডি.এম.), ন্যাশনাল স্কিল ডেভেলপমেন্ট কর্পোরেশন (এন.এস.ডি.সি.), সেক্টর স্কিল কাউন্সিল (এস.এস.সি.), আই.আই.টি., ন্যাশনাল স্কিল ডেভেলপমেন্ট এক্জমি (এন.এস.কিউ.এফ.) ইত্যাদি। এই প্রকল্প কেন্দ্র ও রাজ্য সরকারের দক্ষতা উন্নয়ন প্রকল্পগুলোকে সাধারণীকরণ করবে, যার ফলে দক্ষতা প্রদান, বিষয় ও প্রশিক্ষণের ফলাফলের গুণমান সুনিশ্চিত হবে।

এই প্রকল্প ২০১৫ সালের ন্যাশনাল স্কিল ডেভেলপমেন্ট মিশনে এবং এর বিভিন্ন উপ-মিশনে গতিবেগ সঞ্চার করবে। এই প্রকল্পগুলোকে ভারত সরকারের দিক নির্দেশকারী প্রকল্প যেমন ‘মেক ইন ইন্ডিয়া’, ‘স্বচ্ছতা অভিযান’ ইত্যাদির সঙ্গে সমন্বয় করা হয়েছে এবং এর লক্ষ্য হচ্ছে দেশীয় ও বিদেশের প্রয়োজনীয়তা অনুসারে বিশ্ব মানের প্রতিযোগী কর্মশক্তি তৈরি করা। এর জন্য লক্ষ লক্ষ আগ্রহীকে কর্মসংস্থান নির্ভর দক্ষতা প্রশিক্ষণ প্রদানের জন্য ৭০০-এর বেশি শিল্প পরিচালিত প্রতিষ্ঠান গঠন করা হচ্ছে। এই ধরনের প্রতিষ্ঠান গঠনের জন্য একটি উদ্ভাবনামূলক তহবিল গঠন করা হয়েছে। ত্রিশ হাজারেরও বেশি আগ্রহীকে আই.আই.এস.সি.-তে প্রশিক্ষিত করা হবে এবং ইন্টারন্যাশনাল অ্যাওয়ার্ডিং বডি (আই.এ.বি.) থেকে শংসাপত্র প্রদান করা হবে। দেশ জুড়ে ৫০০ টি আই.টি.আই.-কে আদর্শ আই.টি.আই. হিসেবে উন্নত করা হবে। এই সংস্কারের মধ্যে রয়েছে অনলাইন পরীক্ষা, কেন্দ্রীয়ভাবে নিয়ন্ত্রণাধীন ভর্তি, পরিকাঠামো ক্ষেত্রে দক্ষতা ও স্বচ্ছতা।

২০১৫ সালের ন্যাশনাল পলিসি অফ স্কিল ডেভেলপমেন্ট এন্ড এন্টারপ্রেনারশিপ গুণমানের নিশ্চয়তার পদক্ষেপকে গুরুত্ব দিয়েছে। ‘সংকল্প’-এর মাধ্যমে স্ব-স্বায়ী মডেলের সঙ্গে ট্রেনিং ইনারস এন্ড এসেসসর একাডেমি গঠনে গুরুত্ব দেওয়া হয়েছে। অগ্রাধিকারের ক্ষেত্রগুলোতে পঞ্চাশটিরও বেশি একাডেমি স্থাপন করা হবে। এই লক্ষ্যে ডি.ও.টি. এবং এম.এস.ডি.ই. বেশ কিছু পরিমাণে সরকারি ও বেসরকারি একাডেমি স্থাপনে গুরুত্বপূর্ণ অগ্রগতি করেছে। যেখানে পঁয়ত্রিশটির বেশি ক্ষেত্রে প্রশিক্ষণ প্রদান করা হচ্ছে। এই প্রকল্প স্বল্প মেয়াদী ও দীর্ঘ মেয়াদী ক্ষেত্রের বৃত্তিমূলক প্রশিক্ষণের প্রশিক্ষকদের প্রশিক্ষণ প্রদানে সহায়তা করবে। প্রয়োজনীয়তার নিরিখে আরও প্রতিষ্ঠান তৈরি হচ্ছে।

‘সংকল্প’-এর লক্ষ্য হচ্ছে মহিলা এবং প্রান্তিক মানুষদেরকে যুক্ত করা। তপশিলি জাতি (এস.সি.), তপশিলি উপজাতি (এস.টি.) এবং ভিন্নভাবে সক্ষম (পি.ডব্লিউ.ডি.) মানুষদের দক্ষতা উন্নয়নের প্রশিক্ষণ প্রদান করা। এই প্রকল্প দক্ষতার এক বিশেষ বাস্তবতা তৈরি করবে, যা বিভিন্ন শিল্পে দক্ষ কর্মশক্তি প্রদান করে দেশে বাণিজ্য সহজতার পরিবেশ গঠন করবে। এই প্রকল্প দক্ষতার বাজার গ্রাহ্যতা বাড়িয়ে একে শিল্পের সঙ্গে যুক্ত করে ও গুণমানের নিশ্চয়তা প্রদান করে দক্ষতা উন্নয়ন কর্মসূচির আকাঙ্ক্ষা বৃদ্ধি করবে।

(Release ID: 1505961) Visitor Counter : 2

Background release reference

বিশ্ব ব্যাঙ্কের সহায়তার ৬,৬৫৫ কোটি টাকার দুটি প্রকল্পের অনুমোদন

